



Fylkesmannen i Møre og Romsdal

Saksbehandlar, innvalstelefon
fagansvarleg Ola Betten, 71 25 84 76

Vår dato
19.02.2015
Dykkar dato
13.02.2015

Vår ref.
2015/1218/OLBE/433.2
Dykkar ref.

Jan Einar Nakken
Nakkevegen 79
6133 LAUVSTAD

Løyve til planting av utanlandske treslag på gnr156 bnr4 Volda kommune - Jan Einar Nakken

Fylkesmannen i Møre og Romsdal gjev Jan Einar Nakken løyve til utsetting av fjelledelgran og fraseredelgran for juletreproduksjon på gnr 156 bnr 4 i Volda kommune. Løyvet gjeld for planting med ca. 3600 stk. tre samla eit areal på ca. 5 daa, UTM 6895750 339930, jf. avmerka areal i vedlegg til søknaden. Løyvet er gitt i medhald i §§ 4 og 5 i "Forskrift om utsetting av utenlandske treslag til skogbruksformål". Det er sett vilkår til løyvet.

Vi viser til søknad datert 13.02.20123. Søknaden gjeld utsetting av fjelledelgran (*Abies lasiocarpa*) og fraseredelgran (*Abies fraseri*) på eigedommen 156/4 i Volda kommune. Plantefeltet er avmerka i kartvedlegg til søknaden. Formålet med utsettinga er juletreproduksjon. Søknaden gjeld ca. 3600 stk tre på eit felt på ca. 5 dekar.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er *å hindre at utsetting av utenlandske treslag medfører eller kan medføre uheldige følgjer for naturmangfoldet*, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følgjer for naturmangfaldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følgjer for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følgjer for det biologiske mangfaldet, jf. § 7 i forskrifta. Uplanting av utanlandske treslag kan ha ein negativ påverknad på naturmangfaldet ved å endre den naturlege artssamsetnaden og dei økologiske funksjonane på staden.

Kunnskapsgrunnlaget (NML § 8)

Fjelledelgran er klassifisert av Artsdatabanken som ein art med låg økologisk risiko. Dette betyr at det føreligg liten fare for spreiling og etablering av arten. Fraseredelgran er ikkje vurdert, men vi legg til grunn tilsvarande risiko for denne.

I tillegg kan artane påverke det arealet dei blir planta på.

I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er difor ingen fare for spreiing av desse artane til naturen kring feltet.

Vi har vurdert dei naturfaglege kvalitetane til plantearalet. Det er oppgjeve at dette er ei blanding av fulldyrka eng, brakklagt jordbruksareal og lauvskog. Her er ingen registreringar i Naturbase i høve raudlisteartar eller andre relevante verdiar. Ut frå føreliggande kunnskap vil det ikkje medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var-prinsippet er uaktuelt.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforring (NML § 11)

Jan Einar Nakken kan påleggast å fjerne utilsikta spreiing av utplanta fjelledelgran og fraseredelgran. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiing. I tillegg er den som har fått løyvet til utsetting pliktig til å føre internkontroll, jf. § 10 i forskrifterna.

Konklusjon

Vi vurderer det til å vere små negative effektar på naturmangfaldet i utsettingsområdet som følgje av planting av fjelledelgran og fraseredelgran. Med bakgrunn i opplysningsane i søknaden og kunnskapsgrunnlaget, vurderer vi spreiingsfaren som låg, og faren for negative økologiske effektar som liten.

Fylkesmannen i Møre og Romsdal gir Jan Einar Nakken etter dette løyve til utsetting av fjelledelgran og fraseredelgran på gnr 128 bnr 5 som omsøkt. Løyvet gjeld for ca. 3600 stk. tre samla på eit areal på ca. 5 daa på avmerka areal i vedlegget til søknaden, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskriftena §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Det planta arealet skal uansett ryddast innan år 2030, før evt. nyplanting.
- 2) Det er ikkje tillate å fjerne tre med voksyktig rot frå feltet. Dette skal hindre ukontrollert spreiing av artane.
- 3) Dersom det vert oppdaga spreiing av tre utanfor plantefelta, skal desse fjernast, og Fylkesmannen i Møre og Romsdal må varslast.
- 4) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskriftena.

Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Ulf Lucasen (e.f.)
Ass. miljøverndirektør

Ola Betten

Dokumentet er elektronisk godkjent og har ingen signatur.

kopi:

Volda kommune Stormyra 2 6100 VOLDA
Miljødirektoratet Postboks 5672 Sluppen 7485 TRONDHEIM